



**Broj: 01-52/24**  
**Vareš, 28.03.2024. godine**

**Z A P I S N I K**  
**sa 32. sjednice 31.01. 2024. godine**

Predsjedavajuća OV pozdravila je sve prisutne.

Izvršena je prozivka vijećnika.

**Prisutni vijećnici:** Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zakir Džafo, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Mario Mirčić, Nedžad Mušanović, Malik Rizvanović, Nikola Šimić i Ešref Likić.

**Odsutni:** Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 32. sjednicu s početkom u 14.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, pomoćnik načelnika - gosp. Ermin Musa, rukovodilac JURA – gosp. Rusmir Berberović, šefica Odsjeka za računovodstvo i trezor – gosp. Stela Terzić, šef Odsjeka za društvene djelatnosti – gosp. Mersad Đido, i predstavnici medija.

Predsjedavajuća OV izvijestila je prisutne da je na 31. sjednici OV održanoj 28.12.2023. godine, Vijeće donijelo jedan (1) zaključak koji je djelomično realizovan. Postavljeno je pet (5) vijećničkih pitanja. Na sva pitanja odgovoreno je pisanim putem.

Općinski načelnik Zdravko Marošević pod aktuelnim pitanjima nije imao obraćanje.

***(Izjašnjavanje vijećnika o dobivenom odgovoru)***

Nije bilo izjašnjavanja.

***(Vijećnička pitanja i Inicijative)***

**Nazif Hajrić**

1. Pitanje se odnosi na Odluku o osnivanju skloništa za napuštene pse na području općine Vareš, kada će doći do otvaranja azila, jer mjesna zajednica Striježevo ima problema sa psima lualicama koji se nalaze u blizini škole i napadaju djecu. Kada se možemo nadati da će doći do otklanjanja ovog problema?

2. Da li je u ovoj godini planirana sanacija ceste na relaciji Pajtov Han-Striježevo, jer se pojavio veći broj udarnih rupa?

### **Zdenko Franjić**

3. Pitanje se odnosi na problem neadekvatno postavljenih klima uređaja na stambenim objektima-zgradama. Da li može nadležna služba donijeti Pravilnik o postavljanju istih na fasadama stambenih objekata-zgrada? Ovu oblast bi trebalo na neki način urediti zbog samog izgleda zgrada, jer neki stanari postavljanjem klima uređaja naruše izgled zgrade.

### **Asmir Čizmo**

4. Pitanje upućujem Načelniku Općine Vareš i JKP.d.o.o. Vareš, a tiče se zimskog održavanja lokalnih puteva, odnosno samog jezgra općine Vareš. Svjedoci smo da u proteklih deset dana, od momenta kada je pao novi snijeg došlo je do pojave leda, (ceste neprohodne, klizave) i da je pijaca sama po sebi bila pod ledom. Da li JKP d.o.o. Vareš naplaćuje placarinu danima kada se održava pijaca kada je takvo stanje kada je pijaca poleđena? Zašto se to nije održavalo i zanima me da li će se ti poslovi koji su vezani za ne čišćenje i ne posipanje svakako biti plaćeni?

### **Šaban Ibrišimović**

5. Svi znamo da je krajem prošle godine završen konkurs federalnog fonda za zaštitu okoliša, od odabranih korisnika imalo smo samo jednu nevladinu organizaciju. Moje pitanje ide u tom pravcu. Da li je moguće da mi sa područja općine Vareš (prozvat ću Službu civilne zaštite), nismo mogli aplicirati na barem 1 projekat od mogućih 10-12 lotova?

### **Emir Islamović**

6. Pitanje se odnosi na Mjesnu zajednicu Ravne i Zubeta, zamoljen sam od strane građana da uputim poziv Načelniku i službama da se izvrši sanacija puta od Mjesne zajednice Zubeta do naselja Ravni.

### **Igor Hinger**

7. Dopunio bih pitanje od kolege vijećnika Asmira Čizme koje je vezano za poledicu odnosno led. Mislim, ako JKP d.o.o. nije u mogućnosti odraditi posao da li to može uraditi Civilna zaštita? Prilazi zgradama, svim blokovima, haustorima su sami led, ako nije u nadležnosti JKP d.o.o. Vareš neka onda Civilna zaštita preuzme posipanje ispred pomenutih objekata.

### **Amela Brkić**

8. Moje pitanje se odnosi na rad JKP d.o.o. Vareš a vezano je za čišćenje trotoara, odnosno gdje je predviđeno da ljudi hodaju pješice. Obzirom da se posipanje glavne saobraćajnice vrši sa troskom, pijeskom ili nekim drugim građevinskim materijalom, pa bi bilo lijepo da se to i počisti.

## **Sahudina Beganović**

9. Ne mogu da i danas ne ukažem na problematiku u vezi lošeg održavanja Regionalnih puteva na području Općine Vareš (R444, R444-a i R444-b) i lošeg stanja samih puteva usljed leda na kolovozu-posljedice zakašnjelo uklanjanje ili čišćenje snijega sa kolovoza, posipnog materijala na samom kolovozu kao i u gradskoj zoni na trotoarima (ne očiste se do ljeta) začepjenost odvoda oborinskih voda i loše očišćenih ili ne očišćenih odvodnih kanala i propusta ispod Regionalnih puteva na nekoliko lokacija duž pomenutih puteva. Sve to predstavlja opasnost za odvijanje saobraćaja.  
Pitanje: Zašto je stanje takvo kakvo jeste???

Svjedoci smo pojačanog saobraćaja, brze jutarnje vožnje bez obzira na stanje kolovoza.

Da li smo poduzeli sve zakonske mjere da odgovorimo na bezbijeđnost naših građana jer kasno je kada se ugasi jedan život.

Molim da se po ovom pitanju izjasne:

- Ministarstvo za prostorno uređenje, promet i komunikacije i zaštitu okoliša ZDK (finansira zimsko i ljetno održavanje),
- Kantonalna direkcija za ceste ZDK (nadležna je),
- Preduzeća koja održavaju (izvode radove) – na održavanju i
- Policajska uprava Olovo i PS Vareš-o bezbijeđnosti odvijanja saobraćaja pod ovakvim uslovima.

Ujedno molim Sekretara Općinskog vijeća ili osobu koja je zadužena za ove poslove da uputi dopise sa navedenim pitanjima na pomenute adrese i odgovore u pismenoj formi do naredne sjednice Općinskog vijeća.

## **Nurdin Begović**

- 10.Zašto nije i kada će biti završeno uklanjanje opasnog stuba u Vareš Majdanu?  
Pitanje postavljeno pisanim putem.

- 11.Kada mislite i kako riješiti problem havarisanih, napuštenih i neregistrovanih vozila koja zauzimaju javni prostor/parking u gradu? (Pitanje postavljeno pisanim putem.)

Predsjedavajuća OV stavila je na raspravu Zapisnik sa 31. sjednice OV.

Vijećnik Emir Islamović skrenuo je pažnju na odredbe Poslovnika o radu OV koje se odnose na sazivanje i vođenje sjednica Kolegija OV. Pošto Vijeće nema zamjenika predsjedavajuće, zamolio je da na kraju sjednice, Vijeće donese Zaključak kojim bi se ovlastio određeni vijećnik koji bi u slučaju opravdanog odsustva predsjedavajuće OV, istu mijenjao na sjednicama Kolegija i Vijeća.

Predsjedavajuća OV izjavila je da je rasprava iznesena od vijećnika u vezi Zapisnika sa Kolegija OV i da ista treba biti iznesena ponovo na Kolegiju OV i još jednom apelovala na vijećnike iz reda hrvatskog naroda da do naredne sjednice Kolegija OV dostave prijedlog kandidata za zamjenika predsjedavajuće OV kako bi se to zvanično i sistemski riješilo.

Vijećnik Igor Hinger traži da se u Zapisnik sa 31.sjednice OV pod tačkom 4. Prijedlog Odluke o osnivanju skloništa za napuštene pse na području općine Vareš, navede da je gosp. Velida Džafo izjavila da će nakon izrade Pravilnika o organizaciji rada skloništa za pse i veterinarsko-zdravstveni rad, isti biti dostavljeni svim vijećnicima.

Predsjedavajuća OV konstatovala je da će isto biti navedeno u Zapisniku sa 31. sjednice.

Nije više bilo učesnika i predsjedavajuća OV stavila je na izjašnjavanje Zapisnik sa 31. sjednice OV sa dopunom i nakon izjašnjavanja vijećnika konstatuje da je **jednoglasno sa 18 glasova „ZA“** (odsutna vijećnica Maja Berberović) **usvojen Zapisnik sa 31. sjednice OV.**

Predsjedavajuća OV stavila je na raspravu prijedlog dnevnog reda 32. sjednice OV koji je usuglašen na Kolegiju Općinskog vijeća.

Predsjedavajuća OV uz dato pojašnjenje predložila je dopunu dnevnog reda sa tačkom 12. Prijedlog Rješenja o razrješenju vršioca dužnosti člana Skupštine JP „Vareš-stan“ d.o.o. Vareš i Prijedlog Rješenja o imenovanju vršioca dužnosti Skupštine JP „Vareš-stan“ d.o.o. Vareš.

Nije više bilo učesnika i predsjedavajuća OV stavila je na izjašnjavanje prijedlog dnevnog reda **32. sjednice OV** sa predloženom dopunom i nakon izjašnjavanja vijećnika konstatuje da **je jednoglasno sa 18 glasova „ZA“** (odsutna vijećnica Maja Berberović) **usvojen sljedeći**

### *Dnevni red*

1. Prijedlog Programa rada Općinskog načelnika za 2024. godinu.  
- Izvjestilac: Općinski načelnik.
2. Prijedlog Odluke o otpisu zaliha.  
- Izvjestilac: Općinski načelnik.
3. Prijedlog Odluke o potvrđivanju rezultata izbora za članove Savjeta mjesne zajednice Neprivaj.  
- Izvjestilac: Mersad Đido.
4. Prijedlog Odluke o dodjeli sredstava vjerskim zajednicama sa područja općine Vareš.  
- Izvjestilac: Mersad Đido.
5. Prijedlog Odluke o raspoređivanju sredstava za finansiranje rada mjesnih zajednica.  
- Izvjestilac: Mersad Đido.
6. Prijedlog Odluke o stavljanju van snage Odluke o izmjeni i dopunama Odluke o utvrđivanju cijena komunalnih usluga i visine naknade za priključno mjesto.  
- Izvjestilac: Ermin Musa.
7. Prijedlog Odluke o utvrđivanju visine naknade članovima organa upravljanja javnih preduzeća čiji je osnivač Općina Vareš.  
- Izvjestilac: Ermin Musa.
8. Prijedlog Odluke o prosječnoj konačnoj građevinskoj cijeni m<sup>2</sup> korisne stambene površine na području općine Vareš za 2023. godinu.  
- Izvjestilac: Ermin Musa.
9. Prijedlog Odluke o načinu i uslovima raspolaganja nekretninama u vlasništvu Općine Vareš (parcela broj:412/2 zv. Padina Pržići, općina Vareš).  
- Izvjestilac: Ermin Musa.

10. Prijedlog Odluke o gubitku statusa Javnog dobra-putevi (k.č. br. 1958/2 zv. Striježevo, Lokalni put, Općina Vareš).  
- Izvjestilac: Ermin Musa.
11. Prijedlog Odluke o izmjenama Odluke o izboru stalnih radnih tijela Općinskog vijeća Vareš.  
- Izvjestilac: Komisija za izbor i imenovanja.
12. a) Prijedlog Rješenja o razrješenju vršioca dužnosti člana Skupštine JP „Vareš-šan“ d.o.o. Vareš,  
b) Prijedlog Rješenja o imenovanju vršioca dužnosti člana Skupštine JP „Vareš-šan“ d.o.o. Vareš.
13. Tekuća pitanja

**Ad. 1.**

*(Prijedlog Programa rada Općinskog načelnika za 2024. godinu)*

Izvjestilac nije imao dodatno pojašnjenje.

Nije bilo rasprave po ovoj tački dnevnog reda i predsjedavajuća OV stavila je na izjašnjenje Prijedlog Programa rada Općinskog načelnika za 2024. godinu i nakon izjašnjenja vijećnika konstatuje da je sa **10 glasova „ZA“, 7 glasova „PROTIV“ i 1 „SUZDRŽANIM“** glasom (odsutna vijećnica Maja Berberović) **usvojen**

***Program rada Općinskog načelnika za 2024. godinu.***

**Ad. 2.**

*(Prijedlog Odluke o otpisu zaliha)*

Komisija za statutarna pitanja i propise na 26. sjednici održanoj 24.01.2024. godine jednoglasno je donijela Zaključak:

- **Komisija nema primjedbi na Prijedlog Odluke o otpisu zaliha i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Dario Dodik (*iznio je svoje mišljenje u vezi otpisa zaliha u vrijednosti 231.921 KM koje se odnose na robne rezerve i za koje nema određene evidencije*), Općinski načelnik Zdravko Marošević (*dao je pojašnjenje u kome je izvijestio Vijeće da se*

*radi o poslijeratnim zalihama humanitarne pomoći (hrana) koja je išla preko Općine i njena vrijednost je bila evidentirana u računovodstvu. Pomoć je bila dodjeljivana građanima, jedan dio te robe je ostao neupotrebljiv zbog isteka roka i sl. i na osnovu primjedbe revizije urađena je i predmetna Odluka) i predsjedavajuća OV Mahira Brkić (izjavila je da postoji krivična odgovornost za učinjene stvari ali i za ne učinjene).*

Zaključena je rasprava i predsjedavajuća OV stavila je na izjašnjanje Prijedlog Odluke o otpisu zaliha i nakon izjašnjavanja vijećnika konstatuje da je **jednoglasno sa 18 glasova „ZA“** (odsutna vijećnica Maja Berberović) **usvojena**

#### ***Odluka o otpisu zaliha.***

##### **Ad. 3.**

*(Prijedlog Odluke o potvrđivanju rezultata izbora za članove Savjeta mjesne zajednice Neprivaj)*

Komisija za statutarna pitanja i propise na 26. sjednici održanoj 24.01.2024. godine jednoglasno je donijela Zaključak:

- **Komisija nema primjedbi na Prijedlog Odluke o potvrđivanju rezultata izbora za članove Savjeta mjesne zajednice Neprivaj i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjanje Prijedlog Odluke o potvrđivanju rezultata izbora za članove Savjeta mjesne zajednice Neprivaj.

Nakon izjašnjavanja vijećnika predsjedavajuća konstatuje da je **jednoglasno sa 18 glasova „ZA“** (odsutna vijećnica Maja Berberović) **usvojena**

#### ***Odluka o potvrđivanju rezultata izbora za članove Savjeta mjesne zajednice Neprivaj.***

##### **Ad.4.**

*(Prijedlog Odluke o dodjeli sredstava vjerskim zajednicama sa područja općine Vareš)*

Komisija za statutarna pitanja i propise na 26. sjednici održanoj 24.01.2024. godine jednoglasno je donijela Zaključak:

- **Komisija nema primjedbi na Prijedlog Odluke o dodjeli sredstava vjerskim zajednicama sa područja općine Vareš i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Dario Dodik (*uz dato pojašnjenje postavio pitanje da li su za prošlu godinu dostavljeni izvještaji o utrošku sredstva koja su dodijeljena*), Općinski načelnik Zdravko Marošević (*izjavio je da u Budžetu imaju planirana sredstva za vjerske zajednice i da se zahtjevi od vjerskih zajednica uglavnom odnose na manja sredstva za pomoć za pri nekoj adaptaciji*), Dario Dodik (*izjavio je da je u toku izlaganja Načelnika, upoznat od kolege iz nadležne službe da će Zahtjevi za pravdanje sredstava za prošlu godinu biti upućeni vjerskim zajednicama i da je u Prijedlogu Odluke navedeno da su vjerske zajednice dužne dostaviti pravdanje i Izvještaj o utrošku sredstava dodijeljenih u toku fiskalne godine, do 15. marta naredne fiskalne godine*).

Zaključena je rasprava i predsjedavajuća OV stavila je na izjašnjavanje Prijedlog Odluke o dodjeli sredstava vjerskim zajednicama sa područja općine Vareš.

Nakon izjašnjavanja vijećnika predsjedavajuća OV konstatuje da je **sa 17 glasova „ZA“ i 1 „SUZDRŽANIM“ glasom** (odsutna vijećnica Maja Berberović) **usvojena**

**Odluka o dodjeli sredstava  
vjerskim zajednicama sa područja općine Vareš.**

**Ad.5.**

*(Prijedlog Odluke o raspoređivanju  
sredstava za finansiranje rada mjesnih zajednica)*

Komisija za statutarna pitanja i propise na 26. sjednici održanoj 24.01.2024. godine jednoglasno je donijela Zaključak:

- **Komisija nema primjedbi na Prijedlog Odluke o raspoređivanju sredstava za finansiranje rada mjesnih zajednica i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Emir Islamović (*postavio pitanje predlagачu-na koji će se način prebaciti sredstva (500 KM) mjesnim zajednicama koje nemaju otvoren tekući račun*), Amela Brkić (*iznijela je svoje mišljenje u vezi sredstava za „interventno djelovanje“ koja se mjesnim zajednicama dodjeljuju na osnovu podnesenih zahtjeva*), predsjedavajuća OV Mahira Brkić (*iznijela je mišljenje u vezi načina dodjele planskih sredstava i interventnih sredstava koja su planirana za mjesne zajednice*), Općinski načelnik Zdravko Marošević (*dao je pojašnjenje u vezi raspodjele sredstava za mjesne zajednice, sugerisao je da mjesne zajednice koje nemaju otvoren račun isti otvore a sve u cilju normalnog funkcionisanja rada mjesne zajednice*), Mirnes Ajanović (*predložio je da se u Odluci navede da će Općinsko vijeće biti informisano o utrošku dodijeljenih sredstava mjesnim zajednicama*), predsjedavajuća OV Mahira Brkić (*konstatovala je da je vijećnik Mirnes Ajanović predložio da se u članu 6. stav 2. iza riječi „fiskalne godine“ dodaju riječi „o čemu će biti obaviješteno i Općinsko vijeće“*), Dario Dodik (*uz pojašnjenje predložio je da nadležna Služba dostavi godišnji izvještaj koliko je sredstava i prema kojoj mjesnoj zajednici upućeno i da li je mjesna zajednica dostavila izvještaj*), predsjedavajuća OV Mahira Brkić (*uz dato pojašnjenje izjavila je da su u Odluci, koja je formalno-pravno ispravna, navedene sve obaveze Izvršne vlasti koje treba da provede i da će u Izvještaju o izvršenju budžeta i Izvještaju o radu mjesnih zajednica biti prikazane informacije o kojima su diskutovali vijećnici*), Općinski načelnik Zdravko Marošević (*skrenuo je pažnju na određene probleme i odgovornost mjesnih zajednica, kao i na odgovornost lokalne zajednice prema mjesnim zajednicama*) i predsjedavajuća OV Mahira Brkić (*još jednom je napomenula da je Odluka formalno-pravno uređena i da Vijeće u svakom trenutku može donijeti zaključak i tražiti bilo kakve podatke u slučaju da se ista ne provodi*).

Zaključena je rasprava i predsjedavajuća OV stavila je na izjašnjavanje Prijedlog Odluke o raspoređivanju sredstava za finansiranje rada mjesnih zajednica.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** /odsutna vijećnica Maja Berberović) **usvojena**

***Odluka o raspoređivanju sredstava za  
finansiranje rada mjesnih zajednica.***

**Ad.6.**

*(Prijedlog Odluke o stavljanju van snage Odluke o izmjeni i dopunama Odluke o utvrđivanju cijena komunalnih usluga i visine naknade za priključno mjesto)*

Komisija za statutarna pitanja i propise na 26. sjednici održanoj 24.01.2024. godine jednoglasno je donijela Zaključak:

- **Komisija nema primjedbi na Prijedlog Odluke o stavljanju van snage Odluke o izmjeni i dopunama Odluke o utvrđivanju cijena komunalnih usluga i visine naknade za priključno mjesto i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Amela Brkić (*mišljenja je da je cijena vode previsoka –najsкупlja u okruženju i traži od izvjestioca dodatno pojašnjenje za ovu tačku dnevnog reda*), predsjedavajuća OV Mahira Brkić pozvala je predlagача da izađe za govornicu i da dodatno pojašnjenje, Općinski načelnik Zdravko Marošević (*u svom izlaganju izjavio je da se cijena komunalnih usluga nije mijenjala deset godina i da je obzirom na rast cijena ostalih usluga, realno da se povećа i cijena komunalnih usluga i da je predložena cijena realna. Socijalni slučajevi će biti obeštećeni, oni su registrovani, a i do sada je to bila praksa. Skrenuo je pažnju na zakonsku odgovornost Općine Vareš prema JKP d.o.o. Vareš o čemu je dao pojašnjenje*), Dario Dodik (*izjavio je da nije za povećanje cijene vode i uz obrazloženje uputio pitanje JKP d.o.o. Vareš „na koji način i kojim sredstvima JKP d.o.o. Vareš ostvaruje tržišni prihod?“*), Mirnes Ajanović (*izjavio je da Klub vijećnika SDP neće podržati ovu tačku dnevnog reda, uz dato pojašnjenje zamolio je i predložio vijećnicima da se sačeka sa donošenjem odluke i ako se u neko dogledno vrijeme stvore uslovi da se onda ide na povećanje cijene vode*), Emir Islamović (*skrenuo je pažnju na eventualnu izradu nove kalkulativne cijene vode i na pojedine vodovode kojima upravlja JKP d.o.o. Vareš, a koji se snadbijevaju gravitacionim vodama, mišljenja je da Općina Vareš kao osnivač može donijeti odluku, da iz dobiti koju je preduzeće ostvarilo u proteklom periodu pokriju se troškovi/gubitak za komunalne usluge, iznio je stav Kluba vijećnika SDA da neće podržati ovu tačku dnevnog reda i da cijena vode se ne mijenja još bar godinu dana*), Mario Mirčić (*naglasio je da se obraća kao vijećnik, a ne zaposlenik JKP d.o.o. Vareš, Klub vijećnika HDZ će podržati ovu tačku dnevnog reda, izjavio je da čisto poslovanje vodovoda kao radne jedinice preduzeća je u gubitku i taj gubitak se pokrивao iz komercijalnih usluga o čemu je dao i pojašnjenje, skrenuo je pažnju na odredbe Zakona o komunalnim djelatnostima ZDK u kojima je definisano ko utvrđuje cijenu komunalnih usluga i šta slijedi ukoliko organ koji utvrđuje cijenu ne prihvati prijedlog operatera*) i Amela Brkić (replika).

U daljnjoj raspravi su učestvovali Općinski načelnik Zdravko Marošević i vijećnici: Mirnes Ajanović (replika), Emir Islamović (replika), Dario Dodik (replika), predsjedavajuća OV Mahira Brkić (*izjavila je da će nažalost građane koštati bez obzira da li se cijena komunalnih usluga povećа ili ne, Općina će subvenciju platiti iz Budžeta gdje će tada biti manje mogućnosti pružanja određenih usluga kako je i Načelnik u svom obraćanju izjavio, naglasila je da svojim izlaganjem niti podržava poskupljenje cijena komunalnih usluga niti ne podržava*), Emir Islamović (replika), Mirnes Ajanović (replika) i Mahira Brkić (replika).



Zaključena je rasprava i predsjedavajuća OV stavila je na izjašnjanje Prijedlog Odluke o stavljanju van snage Odluke o izmjeni i dopunama Odluke o utvrđivanju cijena komunalnih usluga i visine naknade za priključno mjesto.

Nakon izjašnjanja vijećnika predsjedavajuća OV konstatuje **da sa 3 glasa „ZA“, 15 glasova „PROTIV“ i 1 „SUZDRŽANIM“ glasom nije usvojena**

***Odluka o stavljanju van snage Odluke o izmjeni i dopunama  
Odluke o utvrđivanju cijena komunalnih usluga i visine naknade za priključno mjesto.***

**Ad.7.**

*(Prijedlog Odluke o utvrđivanju visine naknade članovima  
organa upravljanja javnih preduzeća čiji je osnivač Općina Vareš)*

Komisija za statutarna pitanja i propise na 26. sjednici održanoj 24.01.2024. godine jednoglasno je donijela Zaključak:

- **Komisija nema primjedbi na Prijedlog Odluke o utvrđivanju visine naknade članovima organa upravljanja javnih preduzeća čiji je osnivač Općina Vareš i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjanje Prijedlog Odluke o utvrđivanju visine naknade članovima organa upravljanja javnih preduzeća čiji je osnivač Općina Vareš.

Nakon izjašnjanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Nazif Hajrić) **usvojena**

***Odluka o utvrđivanju visine naknade članovima  
organa upravljanja javnih preduzeća čiji je osnivač Općina Vareš.***

Na traženje predsjednika Kluba vijećnika SDA Emira Islamović predsjedavajuća OV dala je pauzu u trajanju 10 minuta.

Nastavljeno je sa radom današnje sjednice.

**Ad.8.**

*(Prijedlog Odluke o prosječnoj konačnoj građevinskoj cijeni m<sup>2</sup>  
korisne stambene površine na području općine Vareš za 2023. godinu)*

Komisija za statutarna pitanja i propise na 26. sjednici održanoj 24.01.2024. godine jednoglasno je donijela Zaključak:

- **Komisija nema primjedbi na Prijedlog Odluke o prosječnoj konačnoj građevinskoj cijeni m<sup>2</sup> korisne stambene površine na području općine Vareš za 2023. godinu i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Dario Dodik i uz dato pojašnjenje iznio svoje mišljenje da cijena treba biti manja i da ista treba biti poticaj investitorima.

Zaključena je rasprava i predsjedavajuća OV stavila je na izjašnjavanje Prijedlog Odluke o prosječnoj konačnoj građevinskoj cijeni m<sup>2</sup> korisne stambene površine na području općine Vareš za 2023. godinu.

Nakon izjašnjavanja vijećnika predsjedavajuća OV konstatuje da je sa **17 glasova „ZA“ i 2 glasa „PROTIV“ usvojena**

***Odluka o prosječnoj konačnoj građevinskoj cijeni m<sup>2</sup> korisne stambene površine na području općine Vareš za 2023. godinu.***

#### **Ad.9.**

*(Prijedlog Odluke o načinu i uslovima raspolaganja nekretninama u vlasništvu Općine Vareš (parcela broj:412/2 zv. Padina Pržići, općina Vareš).*

Komisija za statutarna pitanja i propise na 26. sjednici održanoj 24.01.2024. godine jednoglasno je donijela Zaključak:

- **Komisija nema primjedbi na Prijedlog Odluke o načinu i uslovima raspolaganja nekretninama u vlasništvu Općine Vareš (parcela broj:412/2 zv. Padina Pržići, općina Vareš) i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje Prijedlog Odluke o načinu i uslovima raspolaganja nekretninama u vlasništvu Općine Vareš (parcela broj:412/2 zv. Padina Pržići, općina Vareš).

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojena**

***Odluka o načinu i uslovima raspolaganja nekretninama u vlasništvu Općine Vareš (parcela broj:412/2 zv. Padina Pržići, općina Vareš).***

#### **Ad.10.**

*(Prijedlog Odluke o gubitku statusa Javnog dobra-putevi (k.č. br. 1958/2 zv. Striježevo, Lokalni put, Općina Vareš).*

Komisija za statutarna pitanja i propise na 26. sjednici održanoj 24.01.2024. godine jednoglasno je donijela Zaključak:

- **Komisija nema primjedbi na Prijedlog Odluke o gubitku statusa Javnog dobra-putevi (k.č. br. 1958/2 zv. Striježevo, Lokalni put, Općina Vareš) i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

U raspravi je učestvovao vijećnik Dario Dodik i postavio predlagачu pitanje „da li je uzeta informacija od vlasnika susjednih parcela do kojih put vodi da li će biti ugrožen njihov pristup?“

Pomoćnik načelnika Ermin Musa ispred predlagača izjavio je da se u ovom slučaju radi o već izgrađenom zemljištu da ne ugrožava ostale parcele.

Zaključena je rasprava i predsjedavajuća OV stavila je na izjašnjavanje Prijedlog Odluke o gubitku statusa Javnog dobra-putevi (k.č. br. 1958/2 zv. Striježevo, Lokalni put, Općina Vareš).

Nakon izjašnjavanja vijećnika predsjedavajuća OV konstatuje da jednoglasno sa **19 glasova „ZA“ usvojena**

***Odluka o gubitku statusa Javnog dobra-putevi  
(k.č. br. 1958/2 zv. Striježevo, Lokalni put, Općina Vareš).***

**Ad.11.**

*(Prijedlog Odluke o izmjenama Odluke  
o izboru stalnih radnih tijela Općinskog vijeća Vareš)*

Komisija za statutarna pitanja i propise na 26. sjednici održanoj 24.01.2024. godine jednoglasno je donijela Zaključak:

- **Komisija nema primjedbi na Prijedlog Odluke o izmjenama Odluke o izboru stalnih radnih tijela Općinskog vijeća Vareš i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje Prijedlog Odluke o izmjenama Odluke o izboru stalnih radnih tijela Općinskog vijeća Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojena**

***Odluka o izmjenama Odluke  
o izboru stalnih radnih tijela Općinskog vijeća Vareš***

**Ad.12.**

- (a) Prijedlog Rješenja o razrješenju vršioca dužnosti člana Skupštine JP „Vareš-stan“ d.o.o. Vareš,
- b) Prijedlog Rješenja o imenovanju vršioca dužnosti člana Skupštine JP „Vareš-stan“ d.o.o. Vareš.

Izvjestilac nije imao dodatno pojašnjenje za ovu tačku dnevnog reda.

- a) Nije bilo rasprave i predsjedavajuća OV stavila je na izjašnjavanje Prijedlog Rješenja o razrješenju vršioca dužnosti člana Skupštine JP „Vareš-stan“ d.o.o. Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojeno**

***Rješenje o razrješenju vršioca dužnosti člana  
Skupštine JP „Vareš-stan“ d.o.o. Vareš,***

- b) Nije bilo rasprave i predsjedavajuća OV stavila je na izjašnjavanje Prijedlog Rješenja o imenovanju vršioca dužnosti člana Skupštine JP „Vareš-stan“ d.o.o. Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojeno**

***Rješenje o imenovanju vršioca dužnosti člana  
Skupštine JP „Vareš-stan“ d.o.o. Vareš,***

Predsjedavajuća OV uz dato pojašnjenje predložila je i stavila na izjašnjavanje sljedeći  
**Zaključak:**

- **Nalaže se Komisiji za izbor u regulirane organe da u skladu sa Zakonom o ministarskim, vladinim i drugim imenovanjima FBiH i Odlukom o utvrđivanju standarda i kriterija za konačna imenovanja na pozicije u regulirane organe provede potrebnu proceduru a sve u vezi raspisivanja Javnog poziva za izbor i imenovanje jednog člana Skupštine Javnog preduzeća „Vareš-stan“ d.o.o. Vareš. Mandat novoizabranog člana trajat će do isteka mandata već imenovanih članova Skupštine JP „Vareš-stan“ d.o.o. Vareš.**

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen predloženi Zaključak.**

**Ad.13.  
(Tekuća pitanja.)**

1. Zahtjev za reagovanje dostavljen 30.01.2024. godine od predsjednika kućnog savjeta zgrade E-3 ul. Zvijezda Vareš. Predsjedavajuća OV je konstatovala da je Zahtjev dostavljen svim vijećnicima na početku sjednice i pozvala je zamjenicu općinskog pravobranitelja da se očituje po istom.

Zamjenica općinskog pravobranitelja Belma Karamustafić u svom obraćanju izvijestila je prisutne da se predstavnik stanara zgrade E-3 obratio Vijeću sa Zahtjevom za obrazloženje u vezi davanja Saglasnosti za korištenje, kako navodi veš-kuhinje u sklopu zgrade E-3 ul. Zvijezda. Upoznala je Vijeće da je predstavnik stanara u ranijem periodu obratio se Općini Vareš sa Zahtjevom za očitovanje i da je istom odgovoreno u roku i u skladu sa Zakonom o upravnom postupku, gdje je upoznat da se u ovom slučaju ne radi o zajedničkim prostorijama nego o stambenoj jedinici na koju je data Suglasnost za korištenje na određeni period (do 30.06.2024. godine) i da sva prava nad njom polaže Općina Vareš o čemu postoji i dokumentacija, koja je predstavniku stanara predočena na uvid. Samim tim nisu mogli biti ispunjeni zahtjevi predstavnika da mu se preda ključ.

Predsjedavajuća OV uz dato pojašnjenje sugerisala je predstavnicima Općine Vareš da nakon isteka Saglasnosti za korištenje (sa 30.06.2024. godine), ista stambena jedinica kao i sve ostale stambene jedinice u vlasništvu Općine Vareš ne mogu se dodjeljivati nikome bez

naknade osim socijalnim slučajevima, odnosno u skladu sa Odlukom o dodjeli stanova u zakup u vlasništvu Općine Vareš. Također je sugerisala da ako stranka i dalje misli i zastupa sve ono navedeno u Zahtjevu, da Općini Vareš i Općinskom vijeću dostavi određeni zahtjev uz potpise ostalih stanara.

Otvorena je rasprava u kojoj su učestvovali vijećnici: Dario Dodik, Mahira Brkić, Mirnes Ajanović, Nurdin Begović, Maja Berberović, Amela Brkić, Općinski načelnik Zdravko Marošević i Zakir Džafo.

Zaključena je rasprava i predsjedavajuća OV je na osnovu diskusije i izlaganja *Načelnika (u kome je izjavio da ukoliko neko smatra da su mu povrijeđena bilo kakva prava, da putem Suda dokaže)*, sugerisala da svoja prava potraži sudskim putem.

Vijećnik Emir Islamović uz dato pojašnjenje dao je primjedbu na dio izlaganja Općinskog načelnika u kome je iznio lično mišljenje o određenim građanima.

Predsjedavajuća OV izjavila je da se slaže sa primjedbom vijećnika i da iza govornice ni od strane vijećnika a ni od strane Općinskog načelnika ne treba da se iznose neprikladne riječi o bilo kojem građaninu.

Vijećnik Mirnes Ajanović u svom obraćanju podržao je primjedbu vijećnika Emira Islamović.

Predsjedavajuća OV zatvorila je raspravu i izjavila da se svi slažu sa iznesenim primjedbama vijećnika Emira Islamović i Mirnesa Ajanović iznesenim na dio izlaganja Općinskog načelnika i da je to za svaku osudu.

2. Predsjedavajuća OV upoznala je prisutne sa Inicijativom za imenovanje ulica po ženama dostavljen od organizacije „Inicijativa mir sa ženskim licem“ od 29.12.2023. godine.

Predsjedavajuća OV podsjetila je prisutne da na općini Vareš nema ulica koje su imenovane ni muškim a ni ženskim imenima. Ako neko ima eventualno prijedlog za promjenu naziva neke ulice, slobodan je da to dostavi u proceduru.

3. Dopis sa Zahtjevom u vezi sa stanjem rc 444a na dionici Vareš-Pogar-Bukovica u dužini od 10 km asfaltne dionice, broj:01-01/24 od 11.01.2024. godine dostavljen od predsjednika MZ Dragovići (Šaban Ibrišimović). Zahtjev je dostavljen i generalnom menadžeru kompanije Adriatic Metals Vareš, premijeru ZDK, ministru prostornog uređenja, prometa i komunikacije i zaštitu okoline ZDK, direktoru kantonalne direkcije cesta ZDK i Načelniku Općine Vareš.

Predsjedavajuća OV pozvala je vijećnika Šabana Ibrišimović da u svojstvu predsjednika mjesne zajednice Vijeću obrazloži navedeni problem.

Vijećnik Šaban Ibrišimović u svom obraćanju hronološki je prezentovao aktivnosti u vezi rješavanja problema navedenog u Zahtjevu u vezi sa stanje puta rc 444a. Upoznao je Vijeće da je zakazan sastanak sa vlasnikom Adriatic Metals Vareš (02.02.2024. godine) i predložio je da na tom sastanak zajedno sa njim prisustvuje i vijećnik Nikola Šimić.

Predsjedavajuća OV sugerisala je vijećniku Ibrišimović Šabanu da je Vijeće informiše o provedenom sastanku , kako bi OV na narednoj sjednici isto razmotrilo i donijelo eventualne zaključke.

4. Vijećnica Maja Berberović u svom obraćanju, a vezano za raspravu po Zahtjevu stanara zgrade E-3, uz dato pojašnjenje skrenula je pažnju na poštivanje zakonskih propisa kako se ne bi dešavali određeni propusti prilikom donošenja pojedinih akata.
5. Vijećnik Asmir Čizmo uz dato pojašnjenje predložio je da Vijeće, ako je to u njegovoj nadležnosti i u skladu sa zakonom, donese zaključak da u slučajevima kada OV raspravlja o određenim pitanjima koja se ne odnose na zvanične izabranike, nego se odnose na građane, da se u tom slučaju ne koriste njihova imena.

Predsjedavajuća OV uz dato pojašnjenje izjavila je da Vijeće nema tu nadležnost, postoji mogućnost dogovora, ali ni on nije obavezujući obzirom da postoji Zakon o javnosti i transparentnosti.

Sastavni dio ovog Zapisnika je audio zapis sjednice.

Sjednica je završena u 17.50 sati

**ZAPISNIČAR**

**Azra Pijadžer**

**PREDSJEDAVAJUĆA  
OPĆINSKOG VIJEĆA**

**Mahira Brkić**